

গণপ্রজাতন্ত্রী বাংলাদেশ সরকার  
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২।

টেলিফোনঃ 9840376, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ [info@iedcr.gov.bd](mailto:info@iedcr.gov.bd); [ncov@iedcr.gov.bd](mailto:ncov@iedcr.gov.bd) ওয়েবসাইটঃ [www.iedcr.gov.bd](http://www.iedcr.gov.bd)

২৯ ফেব্রুয়ারি ২০২০ইং

## সংবাদ বিজ্ঞপ্তি

### সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণ বিষয়ে বিশ্ব, বাংলাদেশ, সিঙ্গাপুর, দক্ষিণ কোরিয়া, ইরান ও ইটালির পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

### COVID-19 সংক্রমণ সংক্রান্ত বিভ্রান্তি

COVID-19 সংক্রমণ সংক্রান্ত বিভ্রান্তির বিষয়ে উল্লেখ করে আইইডিসিআর-এর পরিচালক বলেন যে, করোনা ভাইরাস নিয়ে কিছু বিভ্রান্তি দূর করা প্রয়োজন। করোনা ভাইরাস সাধারণত প্রাণীতে রিজার্ভার হিসেবে থাকে যা খুব সহজে মানুষে সংক্রমণ হয় না। আমরা আগেও বলেছি আবারও বলছি, এই পর্যন্ত করোনা ভাইরাসের মধ্যে ৭ রকমের করোনা ভাইরাস মানুষকে সংক্রমণে সক্ষম।

আমরা সবাই জানি এ পর্যন্ত ৭টি করোনা ভাইরাস সনাক্ত হয়েছে। তার মধ্যে ৪টি করোনা ভাইরাস সাধারণ জ্বর, সর্দি, কাশি, গলা ব্যথা (Common cold) হয়। শীতকালে প্রায় ঘরে ঘরে এর প্রাদুর্ভাব দেখা যায়। ৫-৭ দিনে এমনিতে ভাল হয়ে যায়। এই ৪টি ভাইরাস হলোঃ ১) ২২৯E (Alpha Coronavirus); ২) NL63 (alpha coronavirus); ৩) OC43 (Beta coronavirus); ৪) HKU1 (Beta coronavirus)।

এ ছাড়াও আরও দুটি করোনা ভাইরাস খুব সাম্প্রতিককালে মানুষে সংক্রমণ করেছে, এর মধ্যে একটি হলো- SARS (Severe Acute Respiratory Syndrom) যা ২০০৩-২০০৪ সালে প্রথম প্রাদুর্ভাব ঘটে। মোট ৩০টি দেশে এই রোগের প্রাদুর্ভাব ঘটে, এ পর্যন্ত SARS এ আক্রান্ত মোট রোগীর সংখ্যা ৮০৯৬ এবং মোট মৃতের সংখ্যা ৭৭৪। দ্বিতীয়টি হলো MERS (Middle East Respiratory Syndrome) যা প্রথমে সাউদি আরবে পাওয়া যায় এবং এই ভাইরাসের সংক্রমণ উটের মাধ্যমে ছড়ায়। এখনো প্রকপ চলমান তবে ধীর গতিতে ছড়ায়।

### বিশ্ব পরিস্থিতি

বিশ্ব স্বাস্থ্য সংস্থার প্রতিবেদন অনুযায়ী এখন পর্যন্ত বিশ্বে সর্বমোট সনাক্তকৃত COVID-19 আক্রান্ত রোগীর সংখ্যা ৮৩৬৫২ (গত ২৪ ঘন্টায় নতুন রোগী ১৩৫৮)। মোট সনাক্তকৃত রোগীর মধ্যে চীনে আক্রান্ত রোগীর সংখ্যা ৭৮৯৬১ জন। আক্রান্ত রোগীর মধ্যে মোট মৃতের সংখ্যা ২৮৫৮ জন। নতুন করে পাঁচটি দেশে COVID-19 আক্রান্ত রোগী সনাক্ত হয়েছে, বেলারুশ (১টি), লিথুয়ানিয়া (১টি), নেদারল্যান্ড (১টি), নিউজিল্যান্ড (১টি), নাইজেরিয়া (১টি)।

### সিঙ্গাপুর পরিস্থিতি

সর্বশেষ প্রাপ্ত তথ্য অনুযায়ী সিঙ্গাপুরে এ যাবৎ ৯৮ জন COVID-19 রোগী সনাক্ত হয়েছেন, হাসপাতালে চিকিৎসাধীন ২৯ জনের পরিস্থিতি স্থিতিশীল, এবং হাসপাতাল থেকে ছাড়া পেয়েছেন ৬৯ জন। সিঙ্গাপুরে মোট ৩ জন বাংলাদেশের নাগরিক COVID-19 সংক্রমিত হয়ে হাসপাতালে চিকিৎসাধীন আছেন। তাদের মধ্যে ১ জন আইসিইউ-তে আছেন এবং তাঁর অবস্থার কিছুটা উন্নতি হয়েছে। ২ জন বাংলাদেশের নাগরিক সুস্থ হয়ে হাসপাতাল থেকে ছাড়া পেয়েছেন। বাংলাদেশে সিঙ্গাপুরের দূতাবাস থেকেও আমাদেরকে সিঙ্গাপুর পরিস্থিতি সম্পর্কে নিয়মিত অবহিত করা হচ্ছে।

### দক্ষিণ কোরিয়া পরিস্থিতি

দক্ষিণ কোরিয়ার সিডিসি এর সূত্র অনুযায়ী দক্ষিণ কোরিয়ায় এ যাবৎ COVID-19 আক্রান্ত মোট রোগীর সংখ্যা ২৯৩১। COVID-19 আক্রান্ত রোগীর মধ্যে শারীরিক পরিস্থিতির উন্নতির কারণে হাসপাতাল থেকে ছাড়া পেয়েছেন ২৭ জন এবং মোট মৃতের সংখ্যা ১৬ জন। এমতাবস্থায় বাংলাদেশ দক্ষিণ কোরিয়া পরিস্থিতি পর্যবেক্ষণে রেখেছে।

### ইতালি পরিস্থিতি

ইউরোপিয়ান সিডিসি থেকে প্রাপ্ত সর্বশেষ তথ্য অনুযায়ী ইতালিতে এখন পর্যন্ত ৪০০ জন COVID-19 রোগী সনাক্ত হয়েছেন। মোট সনাক্তকৃত রোগীর মধ্যে ৫ জনের চীন ভ্রমণের ইতিহাস রয়েছে এবং এখন পর্যন্ত মৃত্যু বরন করেছেন ১২ জন। পররাষ্ট্র মন্ত্রণালয় ও ইতালিতে অবস্থিত বাংলাদেশ দূতাবাসের সাথে সার্বক্ষণিক যোগাযোগ রাখা হচ্ছে।

### সংযুক্ত আরব আমিরাত পরিস্থিতি

সংযুক্ত আরব আমিরাতে মোট ১৩ জন COVID-19 আক্রান্ত এবং আমিরাতে বাংলাদেশের একজন নাগরিক COVID-19 আক্রান্তের খবর পাওয়া গেছে। তার শারীরিক পরিস্থিতি স্থিতিশীল রয়েছে। পররাষ্ট্র মন্ত্রণালয় ও আমিরাতে বাংলাদেশ দূতাবাসের সাথে সার্বক্ষণিক যোগাযোগ রাখা হচ্ছে।

### অন্যান্য দেশে প্রবাসী বাংলাদেশীদের স্বাস্থ্য পরিস্থিতি

অন্যান্য কোন দেশে এখনো পর্যন্ত কোনো প্রবাসী বাংলাদেশী কোভিড-১৯ আক্রান্ত হন নি। দিল্লীতে উহান থেকে আগত ২৩ জন বাংলাদেশী নাগরিক দিল্লী শহর থেকে ৪০ মাইল দূরে একটি কোয়ারেন্টিনে আছেন।

### বাংলাদেশ পরিস্থিতি

আইইডিসিআর-এর ভাইরোলজি ল্যাবরেটরিতে সন্দেহজনক COVID-19 আক্রান্তদের নমুনা পরীক্ষা করে এ যাবৎ কারো নমুনাতে COVID-19 পাওয়া যায় নি। স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে। আজ কোনো কোভিড-১৯ লক্ষণযুক্ত যাত্রী পাওয়া যায় নি।

**COVID-19 সংক্রান্ত সর্বশেষ পরিস্থিতিঃ (ক্ষিনিংকৃত যাত্রীর সংখ্যা) (২৯ ফেব্রুয়ারি ২০২০ইং)**

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্ষিনিংকৃত যাত্রীর সংখ্যা	১৬৯১৭	৩৮৩৯৫৮
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্ষিনিংকৃত যাত্রীর সংখ্যা*	৯১০০	১৯৪৬৭০
ক্ষিনিংএর মাধ্যমে বিমান বন্দরে সনাক্তকৃত কোভিড-১৯ সংক্রমণের আশংকায়ুক্ত ব্যক্তির সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্ষিনিংকৃত যাত্রীর সংখ্যা	১৭৫	৪৩৩২
ঢাকা ক্যান্টনমেন্ট ও বেনাপোল রেলওয়ে স্টেশনে ক্ষিনিংকৃত যাত্রীর সংখ্যা	৩৫৫	৩৯৯৫
অন্যান্য চালু স্থলবন্দরগুলোতে ক্ষিনিংকৃত যাত্রীর সংখ্যা	৭৪৬২	১৮৫২৯৩

\* গত শুক্রবার ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্ষিনিং করা হচ্ছে।

\*\* কোনো কোনো বন্দর থেকে প্রতিবেদন সময়মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

**COVID-19 সংক্রান্ত সর্বশেষ পরিস্থিতিঃ (২৯ ফেব্রুয়ারি ২০২০ইং)**

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোটকলের সংখ্যা	১০৩	৩৩৪৭
আইইডিসিআর হটলাইনে COVID-19 সংক্রান্ত মোট কলের সংখ্যা	৫১	২৪৭০
আইইডিসিআরএ আগত COVID-19 সংক্রান্ত মোট সেবা গ্রহীতার সংখ্যা	৩	১২৮
COVID-19 পরীক্ষা করা মোট নমুনার সংখ্যা	২	৮৭
নিশ্চিতকৃত COVID-19 সংক্রমিত ব্যক্তিদের মোট সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বর এ যোগাযোগ করুনঃ  
০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

শ্বাসতন্ত্রের সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিষ্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/ কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস-ডিম ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা

পরিচালক

ফোন নম্বরঃ ০২-৯৮৪২২৭০